

萬曆興化府志

卷二

萬曆興化府志

康天和修纂



興化府志卷之六

建置志

城池 驛舖

公署

學校

武衛

壇廟

坊表

津梁

設險著在前經重門事彰往策况黃海與倭夷
相望天風之飛艘靡常登陴浚隍顧可忽乎爾
乃表位有署華屏齊榮詎其侈觀翼翼政自我
人居居毗世作禎豈虛哉若夫學必有宗士亦
有肄素王之殿儼如帝宮黑子之區教成不肅
固禮開雲於集雅亦憬食蕞於懷音然而奉
勅守臣累組世胄身棲轅門幕府之內任屬漲

海烽煙之間斯禹貢所以紀奮武周官所以設
 臨戎也至於山川社稷封土為壇羣公先正建
 廟以祀均大事之攸關為王制之所重有如職
 方值三省之衝郵傳度四方之旅名爵競爽植
 表樹坊溪山相半浮龜役鵲非繫聲華物望則
 通跋涉往來事制曲防政體備矣作建置志

建置志一

城池

府城

平海城

莆禧城

六寨城

踰頭城

仙遊縣城

興化郡城蓋自宋建太平興國八年從轉運使楊克

讓之請詔自游洋移軍治于莆田於是背日始城內
爲子城周迴二里三百一十步仍斥廣外城時版築
草創土垣茅覆而已宣和三年始加築高一丈五尺
基厚半之稠其上甃以瓦周迴七里八十三步引北
澗水爲壕廣一丈深六尺繚城而達于東南與西南
溝塹合爲門五東曰望海以近白湖名南曰望仙以
面壺公舊有陳胡二仙名西曰肅清以涅槃識吾居
之地未不動干戈名北曰望京以朝京由是出名東
北曰寧真以天慶觀名各建樓其上崇寧間議築羅

城以役大而罷紹定元年城傾盜起民震驚思遁郡人陳龍圖宓創議修築臺郡從之會知軍王克恭病通判趙汝盥攝其事無何王趙卽世三年知軍趙汝固圖竟厥功疏于朝得旨賜五千祠牒助築未至而趙去知軍曾用虎繼之益市木石覈工徒於是城始告成周廻千二百九十八丈八尺高一丈八尺表裏石砌覆以磚稱完城矣郡人侍郎劉克莊記

蒲爲郡且三百

年猶不克有城皆曰樂土也緩事也一日盜起汀邵他州皆增陴浚隍蒲四封蕩然破扉不闔未幾盜寢南侵勢且及境富家窳人咸欲潰去郡人陳公宓始倡版築之議士民和之臺郡是之會王侯克恭病委

其責於通守趙君汝盤等。其緒而王趙相踵卽世。趙侯汝固始至。顧郡力已。詘則拜疏求助于朝。有旨賜祠牒五千。未至而趙侯去。陳公與郡人太息曰。城其申轍乎。於是天子擢曾侯用虎。知軍事。侯博訪于衆。或謂城庳且薄。不足恃。或謂費雜且廣。無以繼。侯奮然曰。庳者可高也。薄者可厚也。役不可以已也。且吾患無政。不患無財。益市木石。益僦工徒。先是官畫丈尺。俾僧幹築。僧有能。否有勤。情而官無賞。罰侯斥逐。其不勉者。向之苟簡。悉趨堅好。旣成長。一千二百九十八丈八尺。高一丈八尺。表裏以石。覆以磚。五門樓堞。丹堊煥然。憑高望之。鉅鹿突兀。疑化人之所爲。畫史之所摹也。凡用石以丈計者。五萬七千一百七十二。甃大小六十七萬八千五百五十一。四百糜緒二萬四千六百七十七。楮幣六萬六千八百內楮四萬。朝家所賜錢楮。各千漕臺所助。餘悉出郡帑。昉於紹定三年之春。訖於四年之冬。蓋三百年不克爲者。一朝而就。然則城果緩事乎。樂上果可常恃乎。夫敵無堅脆。有備者勝。國無大小。善守者全。樂毅能下齊。

而不能拔音卽墨之二城佛狸能飲江而不能克盱
 眙之孤壘往事之明驗也先朝懲儆儂寇之患城廣城
 邕城桂嶺海之民始奠其居嘉定鑿開禧之迹大城
 江北樓櫓相望然後並邊郡邑各能自立近事之已
 效也玩常而忽變喜逸而憚勞華元之謳子罕之朴
 人之常情也以習安為懼以恃陋為戒墨翟之智子
 囊之忠侯之盛心也侯治郡尤清苦省逢迎之厨傳
 罷遊觀之土木獨民間有大利病不以力鉅費夥而
 沮城成之明年歲豐盜息乃下令蠲夏稅一年以樽
 節之贏代輸噫侯知築是城又知所以守是城矣初
 役之興陳公最盡力且率大夫國人各相斤斲其後
 通守趙君汝駟判官趙君汝茨與有勞焉莆人喜守
 備之固美蕃宣之勤復悲陳公之不及見也某亦版
 籍一民貲不足以豪鄉閭力不足以荷畚鍤茲獲以
 筆墨小技記事

元至正十四年同知關保因舊址重

之成顧非幸與

修是後兵亂城陷者再

國朝洪武三年本衛指揮

李春復加葺繕十二年指揮程昇以增設軍士城隘
難容奏請闢城許之乃越舊壕跨烏石山東下歷前
埭後埭與舊城合延袤一十一里週二千八百三十
丈基廣一丈六尺墻高一丈八尺埽六尺共高二丈
四尺表裏砌以石爲埽二千九百六十有二窩舖四
十有九敵臺二十有七爲門四東西仍舊名南改迎
仙北新開門改曰拱辰各建樓其上廢寧真門不用
門內各置兵馬司以盤詰出入水關門二東通舟楫
西低欄以石盾僅容水入而已城外壕池左起東北

隅折而南引壽溪水注之右起西北隅折而東引木

蘭溪水注之二水交合共長一千七百七十丈廣二

丈六尺深一丈西北負山則鑿為旱壕長五百九十

三丈廣二丈六尺深二丈

旱壕久被侵沒為園宜復

成化間沙尤

寇發禍延七郡巡撫都御史張瑄蒞莆命郡衛同修

城濬壕及重建門樓郡人學士林文記嘉靖二十七

年倭寇薄城下守者射斃數寇尋遁於是分守叅政

萬衣命增腰牆高三尺堞砌稍濶增九百有十築二

大敵臺於城西北界自是寇無寧歲四十一年十一

月倭大集環攻三旬民力困援絕竟爲僞卒內應而
城陷屠戮甚慘據之兩閱月復出而破崎頭城平海
城於是知府易道談至四顧門樓焚燬首宜亟復將
莆陽驛燼餘棟柱移蓋東門樓來賜亭燼餘移蓋北
門樓隨請貸各郡不應則申請興泉道給贖罰銀若
千重建西南門樓及置守城器械民始還集已而郡
人御史林潤疏請帑金至於是巡撫譚綸劄據總兵
戚繼光議行令城外西北築牆高七尺北門至西水
關築土牆四百五十丈西水關至西門築石牆六百

二十四丈五尺添設敵臺六座時嘉靖四十二年也

隆慶元年分守楊準以腰牆過高每用卓凳立守不

便命知縣徐執策設副塔于莆城壕口五年分守陰

武卿命同知錢穀重新東北二門樓改東門曰鎮海

西永清南迎和北仍拱辰云至萬曆九年知府陸通

霄以城西北一隅跨山腰之半而遺其高者于外元

至正己亥寇實從城西門外射走守垣者近壬戌之

變倭亦乘此越入此地利不可失也於是申請院道

重拓西北城垣將高岡包圍在內長八十五丈五尺

高二丈濶一丈建敬樓一座窩舖二座方門二座塚

子一百八十二至十九年知縣孫繼有復申請院道

修砌舊城三十六年知縣何南金重修周迴砌以磚

石樓堞副堦一新比坊隅砌石秋瓦磚漸有竊去者一隅稍缺前功為虛宜嚴為禁也

四十一年知府徐穆開濬城壕四周六百餘丈各深六尺

平海衛城在郡城東九十里地名南疇洪武二十年

因倭患特命江夏侯周德興相度要害創立衛所建

平海衛城遣興化衛指揮呂謙監築時折東角遷海堤石移砌此

周迴八百六丈七尺廣一丈四尺高一丈八尺塚

其... 卷一... 置

與化府志 卷一
高六尺計堞一千三百一十窰舖三十門四東西各

二南二

俗呼大南門小南門

各建樓其上城形勢北仰南俯三

面際海以海爲池不鑿壕塹城北不置門據高山築

臺以瞭望東見小琉球南見湄洲諸澳正統八年欽

差侍郎焦宏巡視海上命本衛指揮王茂增築敵臺

數十弘治十年七月颶風作城樓窰舖掀揭無存監

司命指揮王昊區畫修治如故嘉靖四十二年二月

倭寇陷城八月知府易道談議折糧銀轉發指揮丘

鼎實等監督興復及置守城器械隆慶四年夏風雨

異常門樓關垣又寧知府林有源議給糧剩銀重修

莆禧千戶所城在郡城東南九十里洪武二十年江

夏侯周德興命指揮呂謙與平海衛同建亦折海堤石移砌

周迴五百九十丈廣一丈二尺高一丈三尺堞六尺

計堞一千四十有九窩舖二十門四各建樓其上東

南北阻海西鑿旱壕長一千一十丈廣一丈深八尺

歲久傾圯萬曆二年分守宋豫鄉命知府呂一靜重

修委主簿黃週監督城樓窩舖俱完復於四門各築

敵臺以便守禦

通仙寨城在郡城東北待賢里

冲沁寨城在郡城

東興福里

嵌頭寨城在郡城東武盛里

青山寨

城在郡城東奉國里

吉了寨城在郡城東南新安

里諸寨城皆江夏侯周德興命指揮呂謙督建各周

迴一百五十丈廣則嵌頭吉了一丈二尺冲沁一丈

一尺迎仙一丈高則迎仙青山一丈三尺冲沁嵌頭

吉了一丈二尺塚各三百餘守宿舖各八獨嵌頭吉

了舖六城門各二各建樓其上

大洋寨城在郡城西廣業里東抵仙遊西至白沙南

福清北永福地當要衝且在萬山中易伏奸徒萬曆十七年春菁寇曾廷邦等嘯聚為亂無何就擒巡撫周宋從知縣孫繼有之議疏請設大洋寨巡檢司十八年始築土城于大洋周迴一百六十丈高一丈三尺

小嶼寨堡在郡城東南醴泉里洪武間有小嶼巡檢司城與迎仙諸寨並建嘉靖十二年仙遊縣知縣蕭弘魯奏徙司于仙遊白隔嶺城隨圯三十八年倭寇起民願出貲築堡自衛監司下其議知府陳瑞龍將